

S-DU IAH-‘EN-GO SHÜ-SING. DI-SÆN-FONG. 使徒

约翰个书信 第三封

¹ Ngô lao-dzing-nying *sia sing* peh ts'ing-æ-go Kyüô-yiu, z ngô we-leh tsing dao-li sô æ-sih go. ² Ts'ing-æ-go hyüong-di, ngô dæn-nyün ng cü-z teh-i, sing-t'i k'ông-gyin, ziang ng weh-ling-go teh-i ka. ³ Keh-sing hyüong-di læ te-tsing ng. z *siang-sing* tsing *dao-li*, i-dzong gyi ka tso-nying ng z ting hwun-hyi. ⁴ Ngô t'ing-meng ngô-go ng-nô læ-tih i-dzong tsing *dao-li* tsæ m-yiu ka-go kw'a-lôh. ⁵ Ts'ing-æ-go hyüong-di ng væn-pah k'en-dæ cong hyüong-di teng keh-sing c'ih-meng nying go z-ken z tso-leh ting-hao; ⁶ gyi-lah tu z te-tsing ng-go jing-æ læ kyiao-we min-zin; Ng i Jing-ming-go *dao-li* song gyi-lah ky'i tsing-tsing z hao-go. ⁷ Gyi-lah z we-leh Cü-go ming-deo c'ih-meng, ih-ngæn feh do bih-koh nying-go tong-si. ^[1]⁸ Keh-cong-ka nying ah-lah ing-kæ siu-liu gyi, hao dô-kô pông-dzu tsing *dao-li*. ^[2]⁹ Ngô yi-kying *sia sing* peh kyiao-we; tsih-z iao-siang tso gyi-lah deo-nao Tiu-deh-fi feh-k'eng tsih-ziu ah-lah. ¹⁰ Sô-yi ngô ziah-z læ, pih-ding kyi-teh gyi sô tso go 'ang-we, z yüong ôh shih-wô sih-doh ah-lah; ping-ts'ia ka wa feh-keo, gyi-zi feh-k'eng siu-liu hyüong-di, k'eng siu-liu cü-kwu gyi wa iao kying-djü gyi, ken gyi c'ih kyiao-we. ¹¹ Ts'ing-æ-go hyüong-di m-nao 'ôh wä-yiang, z iao 'ôh hao-yiang. Tso hao go cü-kwu z c'ih-ü Jing-ming; tso wä go cü-kwu z m-neh k'en-kyin Jing-ming ko. ¹² Ti-mi-tiu-go hao 'ang-we cong-nying tu te-tsing gyi, tsing *dao-li* yia te-tsing gyi, ah-lah yi te-tsing gyi, ng-lah hyiao-teh ah-lah-go te-tsing z tsing-go.

¹ 我老成人写信拨亲爱个迦犹，是我为了真道理所爱惜个。² 亲爱个兄弟，我但愿尔诸事得意，身体康健，像尔活灵个得意介。³ 箇星兄弟来对证尔是相信真道理，依从其介做人尔是顶欢喜。⁴ 我听闻我个儿因来的依从真道理再旡有介个快乐。⁵ 亲爱个兄弟，尔凡百看待众兄弟等箇星出门人个事干是做勒顶好。⁶ 其拉都是对证尔个仁爱来教会面前。尔依神明个道理送其拉去真正是好个。⁷ 其拉是为了主个名头出门，一眼弗驮别国人个东西。⁸^[1] 箇种介人阿拉应该收留其，好大家帮助真道理。⁹^[2] 我已经写信拨教会；只是要想做其拉头脑丢特腓弗肯接受阿拉。¹⁰ 所以我若是来，必定记得其所做个行为，是用恶说话褻渎阿拉；并且介还弗够，其自弗肯收留兄弟，肯收留主顾其还要禁住其，赶其出教会。¹¹ 亲爱个兄弟，旡得好学坏样，是要学好样。做好个主顾是出于神明；做坏个主顾是旡得看见神明过。¹² 底米丢个好行为众人都对证其，真道理也对证其，阿拉又对证其，尔拉晓得阿拉个对证是真个。

[1] 原书此处缺编号 8

[2] 原书此处缺编号 9

¹³ Wa-yiu hyü-to z-ken hao sia, tsih-z feh iao yüong pih moh sia peh ng-lah; ¹⁴ z siang soh-soh læ kyin ng-lah te-k'eo kông-kông. Dæn-nyün ng bing-en. Keh-sing beng-yiu tu mông-mông ng. *Siang-væn* ng dæ ngô mông-mông *keh-deo* ko-tang-ko beng-yiu.

¹³ 还有许多事干好写，只是弗要用笔墨写拨尔拉。¹⁴ 是想速速来见尔拉对口讲讲。但愿尔平安。箇星朋友都望望尔。相烦尔代我望望箇头个打个朋友。